

## ***Komunikadu Imprensa***

***15 Jullu 2013***

### **JSMP Kontinua realiza treinamentu kona-ba demokrasia no papel órgaun soberanu sira nian iha Suku Guiço, Liquiça**

Unidade Programa Observasaun Parlamentár (POP) JSMP kontinua hala'ó treinamentu ba comunidade iha Suku Guiço, Sub-Distritu Maubara, Distritu Liquiça iha 11 Jullu 2013. Treinamentu ne'e kobre asuntu importante rua kona-ba demokrasia no kna'ar órgaun soberanu sira nian.

Partisipante sira kompostu hosi fetu na'in 13 no mane na'in 17 ne'ebé partisipa husi xefi suku no estrutura suku, representante OPMT, representante joventude fetu no mane, agrikultór, veteranu no mestre inklui representante mídia lokál.

*“Treinamentu ne'e hanesan parte ida husi atividade JSMP nian hodi kontinua habelar informasaun no hasa'e koñesimentu comunidade sira iha área rurál nian kona-ba demokrasia no kna'ar prinsipál órgaun soberania sira Estadu Timor-Leste nian, dehan Diretór Ezekutivu JSMP Luis de Oliveira Sampaio.*

Xefi Suku Guiço, Liberato Araújo Nunes lori partisipantes sira nia naran agredese tebes ba JSMP tanba bele realiza treinamentu ne'e iha sira nia suku hodi bele kapasita membru comunidade sira, liu-liu hasa'e sira nia koñesimentu kona-ba sistema demokrasia ne'ebé Estadu Timor Leste adopta. Tanba sira rekoñese katak moris iha aréa rurál sempre iha limitasaun ba informasaun liu-liu kona-ba kna'ar órgaun Estadu sira iha nasaun ida ne'e.

Tanba ne'e nia rekomenda ba JSMP atu bele iha kontinuasaun ba treinamentu ne'e iha futuru. Liberato mós agradese ba distribuisaun manuál JSMP hamutuk 230 bele haforsa liu tan comunidade sira nia koñesimentu kona-ba sira nia direitu no devér iha prosesu harii Estadu Direitu Demokrátiku.

Treinamentu ne'e hetan antusiasmu maka'as husi comunidade sira. Tuir plau treinamentu ne'e kontinua halo iha distritu Manufahi iha Agostu 2013.

Atu hetan informasaun kle'an favor kontaktu direktamente:

Luis de Oliveira Sampaio

Diretór Ezekutivu JSMP

Diresaun e-mail: [luis@jsmp.minihub.org](mailto:luis@jsmp.minihub.org)

[info@jsmp.minihub.org](mailto:info@jsmp.minihub.org)

Telefone: 3323883 | 77295795

Website: [www.jsmp.tl](http://www.jsmp.tl)

Face book: [www.facebook.com/timorleste.jsmp](https://www.facebook.com/timorleste.jsmp)

Twitter: @JSMPtl